

# Les bonnes histoires de "Ch'Guss"

Ch'est m'femme qu'alle m'a forchaille à écrire el'suite ed'min voyage ed'dins la panète Mars. A m'a dit : « Ch'Guss, t'a communchaille à n'in parler. Astères, si té lu dis pon tout cha qu' t'as vu, i doutéront ed'toye... I pourront même el'prendre pour in illuminateur et t'faire in lavache ed'cerveau ! »

Comme, dins l'fond, ch'n'est qu'la vérité véritable et que j'n'aille r'n à cacher, ô sérez tout. Em'vala donc montaille ed'dins challe soucoupe. E' m'installe, ech' soucoupotier il imbraille et ron !... Nous vala partis ! Qué vitesse ! Si cha trisse chés machains là ! Ech' z'avions à rédaction i n'pourréteut pon zé suisse malgré lu turbots-réacteurs, comme i dites.

O vérètes les noms qui z'ont ! Qui sont dreules ! Parce que forchémint au bout d'in momint, comme ej' pouvons pon continuer à discuter avec euses sans savoir à qui qu' j'aveus affaire, i z'ont euse el' politesse ed' lu présinter. El' plus grand, ch'tit qui faiseut 1 m. 22, i s'app'leut « Stratoblok 3 » et sin camarade « Raréflek 14 ». Alors, moye, pour pon avoir l'air plus bête qu'euse, ej' lu z'aille dit : « Jordens + Ch'Guss .. Jougleuwe ». Parce qu' n'éteut pon avec nous z'eutes. Cha m'faiscut même quinze ed' pon l'avoir à mes cotailles. Pon question d'es' conversation : i n'a pon d'raisonnément. Mais ej' saveus ecqu'il qui n'a jamais beaucoup voyageaille, cha li éreut fait plaisir d'aller faire un tit tour ed'dans la « stramosphère ».

Cha fait qu'finalemint, j'aille démindaille à « Stratoblok 3 » s'il éreut voulu faire un tit détour jus-

qu'à maison Jougleuwe pour qui s'éreut r'nu avec moye. O z'érétes vu l'tête à Jougleuwe quand qu'il l'a montaille avec nous. Il outreut des yus... comme quiqu'un qui n'a jamais r'n vu, quoye !... I touchent à tout, i ténéut pus in place il a jusqu'à voulu conduire chelle soucoupe. Rin qu'à cha, f'aille bin vu qui n'éteut pon dins s'nassiette !

Mais qué blanche boyache ! Avant d'monter par in hauche, comme on n'aveut cor in, deuse, treus minutes ed'vant nous z'eutes, chés Martiens i nous z'ont fait faire el'tour ed'challe terre. On z'avons surveillaille tous chés régions qu'on conneut pon : l'Antarctique, l'Adrique, Pont d'Briques... Et, après, in route !

La voie « lactée » qu'on z'avons suivie... Parce que moye ej' sus l'au régime !... 53 millions d'kilomètes, cha fait long qu'a même et, tous les deuse minutes Jougleuwe qui m'démindeut : « D'où qu'on est astère, Ch'Guss ? I n'a t'y cor long à faire ? » Jé l'aveus pon, ch'éteut l'première fois que j'préncus challe direction là. Enfaïn, pour qui m'éreut laissaille tranquille, ej' li aille répondu : « Cor deuse stations et pis chez nous ! » V'là, d'un seul coup, on nous z'avons posaille. E' rarisse ed'dins in espèce d'hingar : on voyeut tous chés soucoupes impillailles l'eune sur l'eute. Ch'est l'dépot que j'm'aille dit, el'dépot d'vaiselle en gros sur'mint... On a ouvert challe peurte : on éteut arrivaille !

L'suite, ô l'sérez pus tard...

Robert JORDENS